

– Ինչու՛, – հարցրեց վերակացուն, անլի բարկանալով:

– Նրա համար, որ ես ծիծաղեցրի նրան, նա մեղք չունի, – պատասխանեց Կարոն:

– Ուրեմն, երկուսդ չոքեցեք, – ասաց վերակացուն, կրկին անկիւնը ցոյց տալով:

– Ոչ ես կը չոքեմ, ոչ՝ նա, – պատասխանեց Կարոն վրովրած ծայնով:

Ես նկատեցի, Կարոն գունաթափոցեալ, նրա ձեռքերը սկսեցին դողդողալ եւ աչքերը լցոնեցան արիւնով. – դրանք նրա կատաղութեան նշաններն էին: Չգիտեմ, վերակացուն այլեւս ինչ խօսեց, միայն այն տեսայ, որպէս վագրը թռչում է փղի պարանոցի վրայ եւ իր սուր ճանկերով բռնում է նրա կոկորդից, նոյնպէս եւ Կարոն բռնեց վերակացոյի վզից, եւ մի քանի պտոյտներից յետոյ, ահագին Գոլիաթը գլորոցեալ գետին... Կարոյի երկաթե մատները սեղմոնեցան նրա կոկորդի վրայ եւ ողորմելին սկսեց խռխռալ... յետոյ թռչելով շնչասպառ խալֆայի կուրծքի վրայ Կարոն ասաց.

– Տե՛ս, ես այստեղ կչոքեմ...

Ամբողջ դասատունը հաւաքուելով, հազիւ կարողացան ազատել թշուառ խալֆային Կարոյի ճանկերից, որը այնուհետեւ մինչեւ կես ժամ ուշաթափ մնաց:

Կարոն առանց մի խօսք խօսելու, նոյն րոպէում թողեց դպրոցը եւ կրկին չվերադարձաւ այնտեղ...

Ժ. ՉԷՆՔԵՐ

Թողնելով դպրոցը, այնուհետեւ Կարոն վարում էր լի փորձանքներով թափառական կեանք: Շատերը նրան համարում էին ցնորոած: Լինում էր, շատ անգամ Կարոյի տատը, բոլորովին յուսահատ, բոլորովին շոարած, մութ գիշերային պահուն, գալիս էր ինձ մօտ. – «Ֆարհատ, էլի չէ երեւում նա»... ասում էր խեղճ պառաւը եւ թափում էր աչքերից ջերմ արտասուքը:

Ես գնում էի որոնելու նրան: Որտե՞ղ ասես չէի պտռում, եւ գտնում էի շատ անգամ պառկած բարձր, սարսափելի քարաժայռի վրայ, եւ կամ լուռ մտախոհութեան մէջ, նստած հեղեղատի ափի մօտ, յափշտակուած էր լինում, աստոած գիտէ, որպիսի՛ ցնորքներով...

Ին՛չ էր նրա դարդը, ի՛նչ էր, որ դուրս էր հալածում անբախտ պատանուն մարդկային բնակութիւնից: – Ես չգիտեի, միայն նկատում էի, որ նա տանջւում էր ներքին, հոգեկան անհանգստութեամբ, եւ կարծես, իր վշտերը